

觀北國圖十卷

中國地理志集成

國家圖書館藏

中國地方志集成

湖北府縣志輯 ⑧

同治黃陂縣志

江蘇古籍出版社 ● 上海書店 ● 巴蜀書社

黃陂縣志序

志之爲言記也記其地記其事記其人記其文記善而不記惡記常而不記怪此其大凡也然天下一千三百餘縣莫不有志或撫拾鄰邑之事以爲己有或採取近似之人以冒美名求其信今傳後不濫不遺者往往難之曩者粵捻竄擾各處舊志不過存什一於千百而殘缺過多

聖上當陽簡平羣匪

男平氣象百廢俱興時則漢陽漢川孝感皆以修志爲事而漢

黃陂縣志卷之一序

陽先成同年蕭子錫銓部與邑令劉鏡溪謀修黃陂縣志議尙未成而子錫入都供職時則在籍觀察徐海年先生齒德俱尊素有志於是舉迺網羅舊聞裒輯成書劉大令又以新增各條榜示通衢始於壬申十月付梓至癸酉四月告成計距創議之始已五年矣夫黃陂之在春秋也爲黃國在魏晉爲石陽邑之以黃陂名也自北齊始邑之由黃郡改隸漢郡也自雍正七年始北連豫嶺南帶荆江湖賢哲所誕生在童蒙咸誦花柳前川之句紳巾幘有奇節卽婦女亦吟將軍出塞之詩至若

武湖爲黃祖肄武之區治城爲孔瑾大治之地又其無

關重輕者耳今夫安民綏衆舉賢育才地方官之任也

修身齊家移風易俗都人士之責也數百年來科官之

盛甲於他邑絃誦之聲聞於四境何莫非邑令與紳耆

等有以鼓舞而作興之乎是故志前官之政教而後之

令茲邑者可觀也志先正之典型而後之聞其風者可

法也志父兄師友之嘉言懿行而後之無墜家聲無背

師訓者可興也志鄉曲婦女之節烈孝義而後之守身

若玉從一而終者可範也從此士食舊德農服先疇垂

黃陂縣志卷之一序

二

日上以仰副

朝廷一道同風之盛豈非守斯土者之所厚期而亦修是書

者之所深幸歟是爲序

賜進士出身

誥授中議大夫鹽運使銜漢陽府知府嚴昉謹序

黃陂邑志序

凡修志者倣修春秋意也與修史相表裏黃陂縣志修自康熙五年至今二百有四年矣山川人物忠孝節義以及風俗沿革禮儀藝文當與日月俱懸鬼神爭輿爲人倫之師表地方之矜式豈可以日久年湮廢諸兵燹即噫此固司牧任地責抑亦都人賢者憂也緒以同治六年丁卯十月承乏下車戎馬倥傯之閒簿書紛馳之會每每歎茲邑乘欲得一春秋之筆以紀實者而卒不可得又加以連年水患往來大差僕僕風塵一行作吏黃陂縣志卷之一劉序

三

積水曾微堅冰之凜不濫不漏較楊志又精覈矣而前修採訪諸紳不辭勞瘁同襄盛舉皆爲

國家稽古右文化民成俗之意亟付剞劂並叙顛末云爾時同治十年歲在辛未

賜同進士出身

話授奉政大夫知漢陽府黃陂縣事山左劉昌緒謹序

黃陂縣志

卷之一 劉序

四

黃陂邑志序

邑之有志以備掌故也邑志之不可缺人皆知之然或傳聞異辭附會失實一人也而兩邑之民爭之一事也而數邑之書載之則見聞不可不確而採擇不可不精也黃陂邑志自康熙五年前邑侯楊簡菴修之迄今二百有五年矣地方之改隸官職之廢增皆在前志已修之後况乎忠孝節義湮沒不彰愈久而愈失其傳豈非吾邑之闕典哉自楊公修志後貢生張適文名安瑄集見聞錄補邑志所未備麻城教諭蕭冠雲名超運集康黃陂縣志卷之一 餘序

五

熙五年以後至嘉慶十年以前邑中之事名之曰志畧余弱冠後嘗摘府志省志中之志吾邑者以及科名節義之確乎可據者手鈔之以附楊志各卷之後至於南北往來倉皇戎馬之間每攜之行篋以自隨亦猶張適文與蕭冠雲兩先生之意也然而自古以來時與地易人與遇沮藏之爲一家之言不克垂之爲一邑之乘如雷次宗之識豫章范石湖之藝吳趨皆以本地人爲本地之志一時翕然稱之浸假而湮沒不傳矣元之儒者唐天麟曰編而不刊與不編等故世有竭半生之力不

遇其時而不傳者往往然也余道光丙申通籍服官三十年同治乙丑乞病內寅歸里邑中烽火未息水旱頻仍尚不暇及此已巳春邑侯劉鏡溪先生公餘之暇博採邑中諸君子之言延余修志並請公正之士分司訪採余力辭不獲乃取平日所手鈔及紳耆採訪者以三年之勤次第繕出於辛未八月朔就正於邑侯劉公公亟賞之余則以一邑之大二百餘年之久卽合數十人之力尙不能保其不漏不濫况一人之耳目安能周乎因請劉公復邀集城鄉各紳耆細加斟酌以昭詳慎劉公卽邀各紳耆至局細閱原藁當刪者刪之當補者補之採訪續到者增之劉公又以前後採訪所增者榜示城鄉均無異議今夫里居近則見聞確辦難多則採擇精故與少辦事不若與眾辦事也邑中諸君子以手民甚少囑予攜至府城付梓劉公亦力贊之乃於壬申十月開雕癸酉四月告竣劉公之蒞吾邑也賑饑民必親至粥廠考書院必親閱課文其他善政不可枚舉而於是書不惜委曲煩瑣以要其成亦實心任事之一端矣

刻則既成因述其始末而爲之序

賜進士出身

誥授朝議大夫前翰林院庶吉士廣東英德香山知縣浙
江溫州嘉興甯波知府江蘇揚州糧捕同知兼署泰州
知州淮南監掣同知己亥廣東壬子江南鄉試同考官
丙午浙江鄉試監試

賞戴花翎

奏委代理兩淮鹽運使司候選道徐瀛謹序

黃陂縣志

卷之一

徐序

七

黃陂縣志原序

古者侯國采風上陳天子而尤輶軒歲遣周諮博覽以
備方聞志之所由始也郡邑之志與國史相表裏蓋其
重哉雖史備法戒兼美惡而志專揚抑務表章不無同
異要以垂典故而示來茲則其義均也孔子曰志在春
秋是春秋者孔子之志也繼麟經而作者稱二十一史
然遷固已不能無譏何則辭多而志寡也後世史多失
實傳信為難顧不若志之近采郡邑者猶信而有徵爾
陂邑舊志傳自萬厯辛卯及明末兵燹地介荆豫為邊

黃陂縣志

卷之一

馬序

八

為衝為戰場為斥地城邑蒿萊何有於志哉

朝定鼎垂二十餘年而瘡痍方起故老空存先是來令者

代更八人大率官如客民如寄編摩弗及也蘊自

龍飛紀元承乏於茲亟詢掌故而滄桑既改杞宋無徵力
為購求乃獲舊本而殘編斷簡字蝕文魚荒畧實甚於
時欲續遺編於灰燼勢既不能抑謀典籍於凋殘時尤
不暇遲之又久非敢後也比年來繕城郭建廨舍均徭
賦葺膠庠起敝扶衰畧有成蹟臺司各憲亦不以蘊不
肖優容有加因得漸次講求邑乘况

景運休明典章燦備幸際議禮同文之盛可無信今傳後

之編乃奉憲檄謬爲裁訂揚摧獻文網羅散佚縱四方固多南董或異其地而未諸土風卽百里亦有高齊或生是邦而難於論定惟茲吏茲四載不乏見聞雖愧三長無嫌專擅因於簿書之暇校讐數易矢慎矢公於前則文減而事增於後則僉謀而獨斷既簡要挈綱亦字櫛句比爲之志輿地以省疆土焉志建置以紀營繕焉志賦役以詳貢稅焉志學校以明教化焉志秩官以昭職守焉志選舉以表人文焉二程有特筆崇所重也災

黃陂縣志 卷之一 楊序 九

祥有闕文慎所書也若忠孝節烈潛德幽光有燉必章無微不錄示所勸也至儀禮以著秩叙藝文以備風謠而且邑治有圖合邑有圖儀制有圖十景有圖今昔畢賅鴻纖悉舉非敢附筆削之義聊以備一邑之書爰是觸目做心書紳銘座雖茲以自鏡哉而藏之斯邑傳之來者將徵文考獻通變宜民咸於是折衷焉後之君子鑒諸

康熙五年歲次丙午孟夏文林郎知黃陂縣事南蘭楊廷蘊撰

序

輿稽前代之廢百事俱廢當代之興百廢俱興卽尺土寸木天將興之誰能廢之是造物者之有定數也順治癸巳紀以巡方出補藩照匏繫於楚十有三載見一切鵲樓諸勝昔之階闕廢弛者今則鬱屈重軒曩之燼滅城狐者茲則勢超浮棟雖曰人力實天有以啟之也陂邑距江夏僅八十里四會五達爲入

都紀或捧進

奏或督催軍餉十三年內往來信宿是邑者未易更僕

黃陂縣志 卷之一 李序 十

數每見突兀於邑之東偏濯濯孤峙者知爲魯臺山也其斷碣殘碑偃仆河干者知爲二程祠雙鳳亭之故墟也其棧題零落牆垣傾圯知爲邑之學宮也縣治左側澤葵依井荒葛冒塗踟躕於馬王廟之後者戎糧署也乙巳秋紀遷投陂丞十年不調來佐是邑古稱功名分定食祿有方到任未幾卽出資斧創建廳宇三楹中門三楹頭門一楹俱離向區其額曰古東衙而門之右首樹木坊一座獨西向而衙舍前後復造廂房十餘間草草就緒自謂棲身有所矣獨文廟魯臺向之所爲目擊

而心惻者茲既承乏斯土而竟恣然置之乎因謀諸邑
侯侯楊公毘陵世家也畱心數事已久因旱澇連年軍
興勞午未暇修葺諸廢紀既叨佐職願訂同心各捐俸
金努力圖成乃於學宮則修戟門並鄉賢名宦祠以及
兩廡齋房

聖殿仍循舊制缺者補之頽者葺之廟貌爲之一新於
魯臺則重建雙鳳亭二程祠亭祠前後植松竹桃柳二
千餘株以復花柳前川之舊茲當邑志告成特記其事
至於二程本末原志備詳不復贅

黃陂縣志

卷之一 李序

十一

康熙五年原任巡按江南蘇松監察御史補授黃陂縣
縣丞三韓李成紀識

序

志之義蓋紀鄉邑山川之美與風土人物之勝俾展卷
燦然無俟躬履考詳而後悉也然以備獻典垂紀載事
莫重焉不得命世鴻儒秉筆而綜其盛將擇焉弗精諱
焉弗詳焉足輝國門光政府乎邑侯楊夫子以蓋代名
流惠

簡命而牧茲土善政繁纍數載內民歌召杜士咏臺萊撫
字之暇銳意修舉繕城隍而嚴捍衛新法署以肅觀瞻
他如修學宮崇教化也建程祠明道學也葺關廟尙忠

黃陂縣志

卷之一 高序

十二

義也百度允釐未易更僕數今

朝廷嘉典海內維新載

命修志吾夫子賁黼黻之猷編金石之用蒐乃舊聞緯以
新製崇雅黜浮增華踵美覺昔之荒畧者今乃詳明昔
之素諺者今乃倫脊麟麟炳炳昭灼千古輝國門而光
政府端在是與明叨隸門牆得從披對之餘探纂輯之
微義儼筆削之大旨又何能贊一辭乎謹序

康熙丙午季春

賜同進士出身治弟子高昌明頓首拜撰

志畧原序

邑志本公也以一人私爲之則專一邑之事難周知也以一人強爲之則妄邑以官爲主以一人竊爲之則僭然必以爲公而諉之而又以爲難知又必俟居官者之董其成而督其事則終無人焉任之此陂邑之志所以闕而未修也按邑志自康熙五年邑侯楊公簡菴修後迄今百三十餘年未嘗纂輯卽舊志亦不可復覩余竊慨焉傷之以爲山川不改田賦如故不修焉可也科甲紀於省志戶口載於櫟冊不修焉可也至若人物之秀

黃陂縣志

卷之一 蕭序

古

傑文辭之俊發忠孝節義之崛起一隅豈無可以流傳後世者而概置之湮沒無聞不大可悲哉且楚書如襄陽耆舊記荊州記武昌風土記渚官故事類皆成於一人之手雖才有大小學有淺深其不欲使一鄉之事湮沒無聞情則一也今值

交教昌明邑中全盛之時尙不能修輯成書日復一日更數十年此百三十餘年之事愈遠而愈湮又安能採訪其全而周知其故卽有欲任其事者亦烏從而任之因於暇日不揣固陋竊取省志府志所編以迄

國初諸公文集有與陂邑相關者類從而錄之分爲一十

七卷以成一邑之書而又以匏繫寒鴛署中無書可證又無獻可詢誠不無缺漏之憾遂題之曰畧以爲此其大畧云爾至其中如錢法等篇閒涉議論則亦倣顧氏靳州志之意而爲之也後之君子或因其畧而加詳焉缺者補之疏者密之冗者芟之誤者正之庶可與耆舊志諸書相頡頏而告無愧於楊侯諸人是誠予之幸也亦卽一邑之幸也不然將以是書而畧予專也妄也辭也皆非予之所敢辭也

黃陂縣志

卷之一 蕭序

古

嘉慶十三年蕭超運冠雲氏書於信安學舍

修志各官

教

諭

李運北

教

諭

柳文宿

訓

導

吳道亨

守

千

總

吳定太

典

史

莊受祚

滿

司

巡

檢

余逢燦

大

城

潭

司

巡

方家穀

同輯

黃陂縣志卷之一

主

山東督糧

道前翰林院編修

周恒祺

吏部主事

前翰林院庶吉士

蕭延福

禮部郎中記名道前翰林院庶吉士

王福保

前直隸延慶州知州戊戌進士

蕭良駒

前山西遼州知州甲辰舉人

王錫銜

候選道前湖南衡山縣知縣己酉舉人

郭慶鳳

陝西米脂縣知縣前禮部主事

宗丙壽

陝西卽用知縣辛未進士

陳開門

江西永豐縣知縣辛亥舉人

王承翼

刑部主事庚午舉人王承緒

協輯

五品銜前麻城縣教諭李忠墀

試用訓導副榜徐用文

試用訓導貢生蕭益榮

孝廉方正胡樹森

同知銜卽補知縣副榜蕭延禧

大挑三等壬戌舉人張安慶

同知銜卽補知縣副榜蕭延禧

試用訓導貢生藍鳳翔

六品銜貢生易繩祖

附生陳同文

附生

吳鳳遜

中書銜己酉拔貢王道森

大挑三等己未舉人徐承頤

附生游鳳閣

黃陂縣志卷之一

主

經理

五品封職宗洪

勸捐

五品銜貢生陳均藻

六品銜附生楊履墀

千總

晏占鰲

同知銜藍鼎鈞

光祿寺署正銜藍星階

中書科中書銜陳瑞芝

同知銜

陳瑞愷

州同銜魏之湘

大挑三等壬戌舉人張紹良

州同銜李桂森

採訪

庚午舉人黃雲鴻

恩貢王承紱

待衛陳啟諫

山東知縣郭慶熙

武舉周華鑫

貢生陳耀奎

州衛生員王炳麟

訓導黃雲鶴

副榜吳煥藻

大挑一等王康濟

武舉羅承恩

訓導姜澤洋

江西知縣譔倬雲

廩生李澍森

監生徐湧

孝廉方正周恒渠

增生徐澐

廩生童閱

甲子舉人徐兆庚

生員劉遐齡

生員涂道泳

丁卯舉人柳繼謨

生員黃梅先

廩生雷曉

壬戌舉人彭式穀

生員范崇德

生員詹人藻

黃陂縣志

卷之一

十七

丁卯舉人王忠偉

生員吳寶鴻

廩生金國坊

試用訓導陳家駒

附生潘宗復

廩生童延緒

前安徽宣
城縣知縣徐成謙

生員蕭延弼

生員鄧英

生員彭兆年

廩生潘鶴林

生員鄧錦襄

監生徐承孚

生員王用中

貢生劉懷弼

生員齊金城

生員張鳳墀

生員王繼勳

廩生周沅

生員林朝恩

生員閔兆麟

按照唐劉殿南

職員曾大宋

生員張鵬翰

主員汪汝瀛

生員姚占春

貢生熊運

生員胡藻春

生員樂元柳

生員夏桐華

廩生吳澍棠

生員陳葵清

生員鞠有華

附生陳家琅

武舉沈振咳

生員夏書

生員高鴻藻

生員何明奎

貢生戴鴻達

生員杜逢甲

生員胡敦

生員葉先第

千總朱錦湘

生員黃耀甲

生員陳燦

生員胡之魁

貢生魏洞庭

生員祝芬

生員祝定清

生員陳良成

千總王廷彪

生員陳嵐

生員游鳳闕

生員蔡文琳

黃陂縣志

卷之一

十六

五品銜祝正銑

生員袁桂森

生員魏象書

生員王鴻翥

五品銜杜丹垣

職員袁克昌

監生徐述曾

監生雷震陽

署正銜羅旭亭

附生方傑

童生呂鏡華

童生魯蘭咳

職員夏鑾文

監生呂國錦

監生閔春熙

監生燕傳忠

監生易道泰

職員譔星垣

監生葉丹階

童生杜鳳藻

監生阮照

監生胡定溪

監生郭春泉

監生錢福裕

監生李承訓

監生彭耀奎

監生梅定國

監生唐廣祖	監生陳輝藻	監生羅來
監生徐慶文	監生冷慶颺	監生汪麟
監生宋惟善	職員魏永卓	職員張傳謨
黃大鵬	喻舜臣	李鑑雲
陳紹昌	劉得福	徐承謨
朱宗鼎	王桂元	游藝
章賢才	張德輝	梅錫昌
杜西峰	胡星垣	柯楷
胡溥垣	馮斌	白鴻先
梅華廷		
蔣溢齋	齊金藻	蕭振鼎
王蘭亭	黃良佐	張炳元
彭朝玉	易美軒	汪承美
胡式金	陶先榮	周會亭
宋國三	周恒穀	黃定鈞
周漢階	吳蘭陔	胡學華
朱光義	潘光萃	陳茂蘭
宋兆庚	周家美	周家珍
周作賓	孫香亭	詹正文
		王光富

黃陂縣志

卷之一

九

現小章	袁開彥	王洪藻	陳湧
校對			
生員李及庚	生員王棟	按照磨李鴻禧	
生員楊鏡清	生員蕭延琛		

黃陂縣志

卷之一

三

三



美






板橋仙跡

真波縣志 卷之一

三



木蘭翠



曉寄西

真波縣志 卷之一 地圖

三



鐵鎖龍潭

井

克寨屯軍




黃陂縣志


卷之圖

天

甘露呈祥



學宮圖




黃陂縣志

卷之圖

五

考棚圖





黃陂縣志目錄

卷之一

天文志

凡例

圖考

星野

祥異附

沿革

風俗物

產

卷之二

建置志

疆域

形勝附

山川

古蹟

城池

治警

善

堂附

壇壝

祠廟附

校場

倉儲

驛鋪

塘

黃陂縣志

卷之一

一

汛

津梁

坊表

街巷

鄉會

寺觀

卷之三

學校志

學宮

木主

祭典

樂器

臥碑

酬學

記

社學

書院

田產附

賓興

文武童卷

偵

卷之四

賦役志

戶口

田制

起運

丁糧

列派

存留

米

數